



**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ  
ՎՃՌԱԲԵԿ ԴԱՏԱՐԱՆԻ ՆԱԽԱԳԱՀ**

**Ո Ր Ո Շ ՈՒ Մ**

**ԵՆԹԱԿԱՅՈՒԹՅԱՆ ՄԱՍԻՆ ՎԵՃԸ ԼՈՒԾԵԼՈՒ ՎԵՐԱԲԵՐՅԱԼ**

2 հուլիսի 2021 թվական

ք. Երևան

ուսումնասիրելով ըստ հայցի Արեգ Կարապետյանի ընդդեմ Երևանի քաղաքապետի՝ Երևանի քաղաքապետի 2020 թվականի ապրիլի 10-ի թիվ 1413-Ա որոշման 2-րդ կետն անվավեր ճանաչելու, որպես հետևանք՝ 2020 թվականի ապրիլի 13-ի թիվ 1423-Ա որոշումն անվավեր ճանաչելու, Երևանի քաղաքապետին 2020 թվականի փետրվարի 12-ի թիվ 444-Ա որոշման պայմաններին համապատասխան նոր մրցույթ հայտարարելուն և անցկացնելուն պարտավորեցնելու պահանջների մասին թիվ ՎԴ/3461/05/20 գործով ենթակայության մասին վեճը լուծելու համար Վճռաբեկ դատարանի նախագահին դիմելու վերաբերյալ Երևան քաղաքի առաջին ատյանի ընդհանուր իրավասության դատարանի՝ 2021 թվականի ապրիլի 27-ի որոշումը,

**Պ Ա Ր Զ Ե Ց Ի**

**Գործի դատավարական նախապատմությունը.**

1. Արեգ Կարապետյանը 2020 թվականի հունիսի 10-ին հայցադիմում է ներկայացրել Վարչական դատարան ընդդեմ Երևանի քաղաքապետի, որով պահանջել է անվավեր ճանաչել Երևանի քաղաքապետի՝ 2020 թվականի ապրիլի 10-ի թիվ 1413-Ա որոշման 2-րդ կետը, որպես հետևանք՝ անվավեր ճանաչել Երևանի քաղաքապետի՝ 2020 թվականի ապրիլի 13-ի թիվ 1413-Ա որոշումը, պարտավորեցնել Երևանի քաղաքապետին 2020 թվականի

փետրվարի 12-ի թիվ 444-Ա որոշման պայմաններին համապատասխան հայտարարել և անցկացնել նոր մրցույթ:

2. Վարչական դատարանի (այսուհետ՝ նաև՝ Դատարան) 2020 թվականի հունիսի 21-ի որոշմամբ հայցադիմումն ընդունվել է վարույթ:

3. Դատարանը (դատավոր՝ Հ.Այվազյան) 2021 թվականի մարտի 24-ին որոշում է կայացրել հայցադիմումը վերահասցեագրելու մասին՝ հետևյալ պատճառաբանությամբ. *«Դատարանի գնահատմամբ ներկայացված պահանջը չի բխում հանրային իրավահարաբերություններից, այլ գործարուն, մասնավոր իրավահարաբերությունների ոլորտում, առաջնորդվելով Հայաստանի Հանրապետության աշխարանքային օրենսգրքի 86-րդ հոդվածի 1-ին մասով, մրցույթ է կազմակերպել իր ենթակայության ներքո գտնվող համայնքային ոչ առևտրային կազմակերպության փնտրման թափուր հաստիքը համալրելու համար:*

*Հարկ է նկատել, որ համայնքային ոչ առևտրային կազմակերպությունում հանրային ծառայություն չի իրականացվում և համայնքային ոչ առևտրային կազմակերպության գործադիր մարմնի պաշտոնը չի համարվում հանրային կամ այլընտրանքային ծառայության պաշտոն և ընդգրկված չէ համապատասխան պաշտոնների անվանացանկում, ուստի և դրա ընտրության (նշանակման) մրցույթի կազմակերպումը ևս չի կարող բխել հանրային իրավահարաբերություններից:*

*Ամբողջ վերը նշվածի հիման վրա Դատարանը եզրահանգում է, որ հայցվոր Արեգ Մեսրոպի Կարապետյանի ներկայացրած պահանջը Վարչական դատարանում քննության ենթակա չէ, ուստի այն պետք է վերահասցեագրվի ըստ ընդդատության՝ Երևան քաղաքի ընդհանուր իրավասության դատարան՝ հաշվի առնելով այն հանգամանքը, որ ՀՀ քաղաքացիական դատավարության օրենսգրքի 21-րդ հոդվածի համաձայն հայցը ներկայացվում է պատասխանողի հաշվառման (գտնվելու) վայրի առաջին ատյանի դատարան, իսկ Երևանի քաղաքապետարանի գտնվելու վայրն է ք. Երևան, Արգիշտի 1 հասցեն»:*

4. Թիվ ՎԴ/3461/05/20 գործը 2021 թվականի ապրիլի 16-ին մակագրվել է Երևան քաղաքի առաջին ատյանի ընդհանուր իրավասության դատարանի դատավոր Ե. Եսոյանին:

5. Երևան քաղաքի առաջին ատյանի ընդհանուր իրավասության դատարանը 2021 թվականի ապրիլի 27-ի որոշմամբ գործի ենթակայության շուրջ ծագած վեճը լուծելու նպատակով գործն ուղարկել է Վճռաբեկ դատարանի նախագահին՝ հետևյալ

պատճառաբանությամբ. «Ուսումնասիրելով թիվ ՎԴ/3461/05/20 վարչական գործի նյութերը՝ դատարանը գտնում է, որ փվյալ գործի քննությունը պետք է կատարվի Վարչական դատարանի կողմից, քանի որ հայցի հիմնական առարկան և պահանջը հանդիսանում է Երևանի քաղաքապետի 2020 թվականի ապրիլի 10-ի թիվ 1413-Ս որոշման 2-րդ կետն անվավեր ճանաչելը, իսկ 2-րդ կետով սահմանվել է, որ պետք է ուժը կորցրած ճանաչել Երևանի քաղաքապետի 2020թ. փետրվարի 12-ի «Երևան քաղաքի ենթակայության համայնքային ոչ առևտրային կազմակերպության գործադիր մարմնի ընտրության (նշանակման) մրցույթ անցկացնելու մասին» N444-Ս որոշումը:

Իսկ հայցվորի մյուս՝ որպես հետևանք՝ 2020 թվականի ապրիլի 13-ի թիվ 1423-Ս որոշումն անվավեր ճանաչելու, Երևանի քաղաքապետին 2020 թվականի փետրվարի 12-ի թիվ 444-Ս որոշման պայմաններին համապատասխան նոր մրցույթ հայտարարելուն և անցկացնելուն պարտավորեցնելու մասին հայցապահանջները համարվում են հիմնական պահանջի ածանցյալ պահանջներ, ինչի հիման վրա Վարչական դատարանը որոշում է կայացրել թիվ ՎԴ/3461/05/20 վարչական գործը վերահասցեագրել ընդհանուր իրավասության դատարանի քննությանը:

(...) Տվյալ պարագայում, թիվ ՎԴ/3461/05/20 գործի շրջանակներում առաջացել է վեճ՝ փվյալ գործի ենթակայության վերաբերյալ, քանի որ Վարչական դատարանի որոշմամբ փվյալ գործի կոնկրետ որ դատարանում քննելու վերաբերյալ առկա են փարբերվող դիրքորոշումներ:

Հաշվի առնելով այն, որ յուրաքանչյուր դեպքում վեճը դատարանին ենթակա լինելու հարցը պարզելիս դատարաններն առաջին հերթին պետք է ելնեն վիճելի իրավահարաբերության քննության, և փվյալ թիվ ՎԴ/0872/02/11 գործի շրջանակներում առկա են փվյալ վեճի ենթակայության լուծման փարբեր դիրքորոշումներ՝ անհրաժեշտ է սույն գործի ենթակայության հարցի որոշման կապակցությամբ գործն ուղարկել Վճռաբեկ դատարանի նախագահին՝ այդ հարցի վերաբերյալ պարզաբանում և լուծում փալու նպատակով»:

6. Թիվ ՎԴ/3461/05/20 գործը Վճռաբեկ դատարանում ստացվել է 2021 թվականի ապրիլի 29-ին:

7. 2021 թվականի մայիսի 3-ին Վճռաբեկ դատարանի նախագահը դիմել է ՀՀ Սահմանադրական դատարան՝ միջնորդելով որոշելու, ի թիվս այլնի, նաև թիվ ՎԴ/3461/05/20 գործի ենթակայության վերաբերյալ վեճի լուծման կապակցությամբ կիրառման ենթակա ՀՀ

քաղաքացիական դատավարության օրենսգրքի 26-րդ հոդվածի՝ ՀՀ Սահմանադրության մի շարք հոդվածներին համապատասխանության հարցը:

8. ՀՀ Սահմանադրական դատարանի՝ 2021 թվականի հունիսի 25-ի թիվ ՍԴԱՌ-123 որոշմամբ Վճռաբեկ դատարանի նախագահի դիմումի հիման վրա գործի քննությունը մերժվել է:

9. ՀՀ Սահմանադրական դատարանի որոշումը ՀՀ Վճռաբեկ դատարանում ստացվել է 2021 թվականի հունիսի 30-ին:

### **Ենթակայության մասին վեճի լուծման համար էական նշանակություն ունեցող փաստերը.**

10. Երևան քաղաքի ավագանու՝ 2019 թվականի դեկտեմբերի 16-ի թիվ 163-Ա որոշմամբ հաստատվել է Երևանի քաղաքապետի՝ 2019 թվականի դեկտեմբերի 11-ի թիվ 4678-Ա որոշումը և «Կանաչապատում և շրջակա միջավայրի պահպանություն» համայնքային ոչ առևտրային կազմակերպության կանոնադրությունը, որի 1.1-րդ կետի համաձայն՝ *««Կանաչապատում և շրջակա միջավայրի պահպանություն» համայնքային ոչ առևտրային կազմակերպության կանոնադրությունը շահույթ սրանալու նպատակ չհետապնդող, իրավաբանական անձի կարգավիճակ ունեցող ոչ առևտրային կազմակերպություն է, որը սրեղծվել է Երևանի քաղաքապետի 2019 թվականի դեկտեմբերի 11-ի թիվ 4678-Ա որոշմամբ՝ Երևան քաղաքի՝ կանաչապատման իրականացման, կանաչ տարածքների (տնկարկների) պահպանության, լանդշաֆտային պլանավորման, քարտեզագրման և վերամշակման ենթակա կոշտ կենցաղային թափոնների ընդունման, հավաքի, տեսակավորման, վերամշակման, ժամանակավոր պահեստավորման և հանձնման հետ կապված աշխատանքների կազմակերպման նպատակով (...):»*

Կանոնադրության 1.2-րդ կետի համաձայն՝ *«Կազմակերպությունն իր գործունեության ընթացքում ղեկավարվում է Հայաստանի Հանրապետության Սահմանադրությամբ, քաղաքացիական և աշխատանքային օրենսգրքերով, «Երևան քաղաքում տեղական ինքնակառավարման մասին», «Պետական ոչ առևտրային կազմակերպությունների մասին», «Գնումների մասին» օրենքներով, այլ իրավական ակտերով և սույն կանոնադրությամբ»:*

11. Երևանի քաղաքապետի՝ 2020 թվականի ապրիլի 13-ի թիվ 1423-Ա որոշմամբ, հիմք ընդունելով ՀՀ աշխատանքային օրենսգրքի 86-րդ հոդվածի 1-ին մասը, «Տեղական ինքնակառավարման մասին» ՀՀ օրենքի 35-րդ հոդվածի 1-ին մասի 11-րդ կետը և ՀՀ

տարածքային կառավարման և ենթակառուցվածքների նախարարի՝ 2020 թվականի մարտի 26-ի թիվ 02-Ն հրամանով հաստատված կարգի 10-րդ և 11-րդ կետերը, որոշվել է անցկացնել Երևան քաղաքի ենթակայության համայնքային ոչ առևտրային կազմակերպության գործադիր մարմնի ընտրության (նշանակման) հրատապ մրցույթ:

**Վճռաբեկ դատարանի նախագահի պատճառաբանությունները և եզրահանգումը.**

12. Սույն գործով Վճռաբեկ դատարանի նախագահի առջև բարձրացված իրավական հարցը հետևյալն է. *համայնքային ոչ առևտրային կազմակերպության տնօրենի թափուր հասարիքը համալրելու հետ կապված վեճը թիում է հանրային, թե՞ մասնավոր իրավահարաբերություններից:*

13. «Հայաստանի Հանրապետության դատական օրենսգիրք» ՀՀ սահմանադրական օրենքի 20-րդ հոդվածի համաձայն՝ *«Առաջին արյանի ընդհանուր իրավասության դարարանը քննում է դարական կարգով քննության ենթակա բոլոր գործերը, բացառությամբ մասնագիտացված դարարանների ենթակայությանը վերապահված գործերի»:*

«Հայաստանի Հանրապետության դատական օրենսգիրք» ՀՀ սահմանադրական օրենքի 24-րդ հոդվածի 1-ին մասի համաձայն՝ *«Վարչական դարարանին են ենթակա Հայաստանի Հանրապետության վարչական դարավարության օրենսգրքով նախատեսված գործերը»:*

14. ՀՀ վարչական դատավարության օրենսգրքի 10-րդ հոդվածի 1-ին մասի համաձայն՝ *«Վարչական դարարանին ընդդարյա են հանրային իրավահարաբերություններից ծագող բոլոր գործերը (...):»:*

15. ՀՀ քաղաքացիական դատավարության օրենսգրքի 18-րդ հոդվածի համաձայն՝ *«1. Քաղաքացիական գործերը ենթակա են քննության առաջին արյանի դարարանում, բացառությամբ «Մասնկության մասին» Հայաստանի Հանրապետության օրենքով նախատեսված դեպքերի:*

*2. Քաղաքացիական են համարվում իրավունքի մասին վեճի հետ կապված բոլոր գործերը, բացառությամբ Հայաստանի Հանրապետության վարչական դարարանի (...) կամ Սահմանադրական դարարանի իրավասությանը վերապահված գործերի (...):»:*

Նույն օրենսգրքի 126-րդ հոդվածի 1-ին մասի 1-ին կետի համաձայն՝ *«Առաջին արյանի դարարանը մերժում է հայցադիմումի ընդունումը, եթե գործը ենթակա չէ քննության քաղաքացիական դարավարության կարգով»:*

ՀՀ վարչական դատավարության օրենսգրքի 81-րդ հոդվածի 1-ին մասի համաձայն՝ «Վարչական դատարանը, գործի քննության ցանկացած փուլում պարզելով, որ փվյալ հայցադիմումի պահանջն ընդդատյա չէ իրեն, այն պարճատարանված որոշմամբ վերահասցեագրում է ըստ ընդդատյության»:

16. Սույն որոշման 13-15 կետերում վկայակոչված իրավադրոյթների վերլուծությունից հետևում է, որ օրենսդիրն առաջին ատյանի ընդհանուր իրավասոյթյան դատարանին է վերապահել այն բոլոր գործերի քննոյթյունը, որոնց քննոյթյունը վերապահված չէ մասնագիտացված դատարաններին, այդ թվում՝ վարչական դատարանին: Միննույն ժամանակ օրենսդիրը սահմանել է վարչական դատարանին ենթակա գործերի շրջանակը, որում ներառված են հանրային իրավահարաբերոյթյուններից բխող վեճերից ծագող գործերը: Փաստորեն, որևէ դատական գործի՝ վարչական կամ առաջին ատյանի ընդհանուր իրավասոյթյան դատարանին քննոյթյան ենթակա լինելու հարցը որոշվում է՝ հիմք ընդունելով այն իրավահարաբերոյթյան բնոյթը (մասնավոր կամ հանրային), որից բխող վեճը հանճնվում է դատարանի քննոյթյանը:

Հարկ է նշել, որ օրենսդիրը վարչական դատարանի ընդդատոյթյան և առաջին ատյանի ընդհանուր իրավասոյթյան դատարանի ենթակայոյթյան կանոնների խախտման դեպքում նախատեսել է տարբեր իրավական հետևանքներ:

Այսպես՝ ի տարբերոյթյան քաղաքացիական դատավարոյթյան, որտեղ ենթակայոյթյան կանոնների խախտումը հայցադիմումի ընդունելոյթյան փուլում հանգեցնում է հայցադիմումի ընդունումը մերժելուն, վարչական դատավարոյթյունում հայցվորի կողմից ընդդատոյթյան կանոնները չպահպանելու հետևանքը հայցադիմումը վերահասցեագրելու՝ վարչական դատարանի լիազորոյթյան իրացումն է: Վերոգրյալ կարգավորումների տարբերոյթյունը պայմանավորված է վարչական արդարադատոյթյան առանճնահատկոյթյուններով, մասնավորապես՝ վարչական դատավարոյթյունում դատարանի ակտիվ դերակատարմամբ:

Այսպիսով, յուրաքանչյուր դեպքում վարչական դատարանը պարտավոր է պարզել՝ արդյո՞ք կոնկրետ գործն ընդդատոյթյա է (ենթակա է) տվյալ դատարանին, թե՛ ոչ, և նշված հարցի կապակցոյթյամբ բացասական եզրահանգում կատարելու դեպքում պարտավոր է հայցադիմումը վերահասցեագրել ըստ ընդդատոյթյան: Նույն իրավիճակում առաջին ատյանի ընդհանուր իրավասոյթյան դատարանը պարտավոր է դրա ընդունումը մերժել՝ գործը քաղաքացիական դատավարոյթյան կարգով քննոյթյան ենթակա չլինելու հիմքով:

17. Հարկ է նշել, որ Հանրային և մասնավոր իրավահարաբերությունների տարանջատման հարցին մանրամասն անդրադարձ է կատարվել Վճռաբեկ դատարանի՝ «Վեսար» ՍՊԸ-ն ընդդեմ ՀՀ Էկոնոմիկայի նախարարության մրավոր սեփականության գործակալության վարչական գործով որոշմամբ<sup>1</sup> և Անի Հակոբյանն ընդդեմ ՀՀ ֆինանսների նախարարության վարչական գործով որոշմամբ<sup>2</sup>:

18. Սույն գործով վիճելի իրավահարաբերության բնույթը պարզելու համար անհրաժեշտ է վերլուծել հանրային կամ այլընտրանքային ծառայության անցնելու, այն իրականացնելու, ծառայությունից ազատելու հետ կապված հարաբերությունները կարգավորող իրավական նորմերը:

19. Այսպես՝ ՀՀ Սահմանադրության 49-րդ հոդվածի համաձայն՝ «Յուրաքանչյուր քաղաքացի ունի ընդհանուր հիմունքներով հանրային ծառայության անցնելու իրավունք: Մանրամասները սահմանվում են օրենքով»:

20. «Հանրային ծառայության մասին» ՀՀ օրենքի 1-ին հոդվածի 1-ին մասի համաձայն՝ «Սույն օրենքով սահմանվում են Հայաստանի Հանրապետությունում հանրային ծառայության սկզբունքները, հանրային ծառայության անցնելու պահանջները, հանրային պաշտոնների դասակարգումը, հանրային ծառայողի հիմնական իրավունքները և պարտականությունները, սոցիալական երաշխիքները, պաշտոնների առանձնահատկությունները, բարեվարքության համակարգը, կարգավորվում են գույքի, եկամուտների, շահերի և ծախսերի հայտարարագրման հետ կապված հարաբերությունները»:

Նույն օրենքի 3-րդ հոդվածի 1-ին մասի համաձայն՝ «Հանրային ծառայությունը հանրային իշխանության մարմիններին Հայաստանի Հանրապետության Սահմանադրությամբ և օրենքներով վերապահված լիազորությունների իրականացումն է, որն ընդգրկում է պետական ծառայությունը, համայնքային ծառայությունը և հանրային պաշտոնները»:

21. «Այլընտրանքային ծառայության մասին» ՀՀ օրենքի 2-րդ հոդվածի 1-ին մասի համաձայն՝ «Սույն օրենքի իմաստով այլընտրանքային է համարվում ժամկետային պարտադիր զինվորական ծառայությանը փոխարինող ծառայությունը, որը կապված չէ զենք

<sup>1</sup> Տե՛ս, ՀՀ Վճռաբեկ դատարանի՝ 2016 թվականի ապրիլի 22-ի թիվ ՎԳ/0830/05/14 վարչական գործով որոշումը:

<sup>2</sup> Տե՛ս, ՀՀ Վճռաբեկ դատարանի՝ 2014 թվականի նոյեմբերի 28-ի թիվ ԵԿԳ/3246/02/13 վարչական գործով որոշումը:

կրելու, պահելու, պահպանելու և օգտագործելու հետ ու իրականացվում է ինչպես գինվորական, այնպես էլ քաղաքացիական հիմնարկներում»:

22. Սույն որոշման 20-21 կետերում վկայակոչված իրավանորմերի վերլուծությունից հետևում է, որ հանրային և այլընտրանքային ծառայության պաշտոնների դասակարգումը սահմանվում է համապատասխանաբար «Հանրային ծառայության մասին» և «Այլընտրանքային ծառայության մասին» ՀՀ օրենքներով:

23. ՀՀ վարչական դատավարության օրենսգրքի 10-րդ հոդվածի 1-ին մասի 1-ին կետի համաձայն՝ «Վարչական դատարանին ընդդարյալ են հանրային իրավահարաբերություններից ծագող բոլոր գործերը, ներառյալ՝ (...) հանրային կամ այլընտրանքային ծառայության անցնելու, այն իրականացնելու, ծառայությունից ազատելու հետ կապված վեճերը»:

24. Նախորդ կետում նշված դրույթից հետևում է, որ վերոնշյալ գործերը Վարչական դատարանում քննության ենթակա լինելու համար առաջնահերթ պայման է տվյալ իրավահարաբերությունները «Հանրային ծառայության մասին» կամ «Այլընտրանքային ծառայության մասին» ՀՀ օրենքներով կարգավորված լինելու հանգամանքը:

25. Սույն գործի նյութերի ուսումնասիրությունից երևում է, որ՝

- Երևան քաղաքի ավագանու՝ 2019 թվականի դեկտեմբերի 16-ի թիվ 163-Ա որոշմամբ հաստատված՝ «Կանաչապատում և շրջակա միջավայրի պահպանություն» համայնքային ոչ առևտրային կազմակերպության կանոնադրության 1.2-րդ կետի համաձայն՝ կազմակերպությունն իր գործունեության ընթացքում ղեկավարվում է ՀՀ Սահմանադրությամբ, քաղաքացիական և աշխատանքային օրենսգրքերով, «Երևան քաղաքում տեղական ինքնակառավարման մասին», «Պետական ոչ առևտրային կազմակերպությունների մասին», «Գնումների մասին» օրենքներով, այլ իրավական ակտերով և նշված կանոնադրությամբ:

- Երևանի քաղաքապետի՝ 2020 թվականի ապրիլի 13-ի թիվ 1423-Ա որոշմամբ, հիմք ընդունելով ՀՀ աշխատանքային օրենսգրքի 86-րդ հոդվածի 1-ին մասը, «Տեղական ինքնակառավարման մասին» ՀՀ օրենքի 35-րդ հոդվածի 1-ին մասի 11-րդ կետը և ՀՀ տարածքային կառավարման և ենթակառուցվածքների նախարարի՝ 2020 թվականի մարտի 26-ի թիվ 02-Ն հրամանով հաստատված կարգի 10-րդ և 11-րդ կետերը՝ որոշվել է անցկացնել Երևան քաղաքի ենթակայության համայնքային ոչ առևտրային կազմակերպության գործադիր մարմնի ընտրության (նշանակման) հրատապ մրցույթ:



26. Նախորդ կետում մեջբերված փաստական հանգամանքները գնահատելով սույն որոշման 20-24 կետերում վկայակոչված իրավադրույթների և արտահայտված իրավական դիրքորոշումների լույսի ներքո, պետք է փաստել, որ Երևան քաղաքի ենթակայության ներքո գտնվող համայնքային ոչ առևտրային կազմակերպության տնօրենի պաշտոնը նախատեսված չէ հանրային կամ այլընտրանքային ծառայության պաշտոնների անվանացանկում: Նշվածից հետևում է, որ Երևան քաղաքի ենթակայության ներքո գտնվող համայնքային ոչ առևտրային կազմակերպության տնօրենի ընտրության (նշանակման) մրցույթ անցկացնելու հետ կապված իրավական վեճը բխում է *մասնավոր իրավահարաբերությունից*, հետևաբար թիվ ՎԴ/3461/05/20 գործը ենթակա է Երևան քաղաքի առաջին ատյանի ընդհանուր իրավասության դատարանին:

Հիմք ընդունելով վերոգրյալը և ղեկավարվելով ՀՀ քաղաքացիական դատավարության օրենսգրքի 26-րդ հոդվածի 2-րդ մասով՝

### **Ո Ր Ո Շ Ե Ց Ի**

թիվ ՎԴ/3461/05/20 գործն ըստ հայցի Արեգ Կարապետյանի ընդդեմ Երևանի քաղաքապետի՝ ենթակա է Երևան քաղաքի առաջին ատյանի ընդհանուր իրավասության դատարանին:

**ԼԻԼԻԹ ԹԱԴԵՎՈՍՅԱՆ**